

笠翁對韻

一 東

天對地，雨對風。大陸對長空。山花對海樹，赤日對蒼穹。雷隱隱，霧濛濛。日下對天中。風高秋月白，雨霽晚霞紅。牛女二星河左右，參商兩曜鬥西東。十月邊塞，颯颯寒霜驚戍旅；三冬江上，漫漫朔雪冷漁翁。

河對漢，綠對紅。雨伯對雷公。煙樓對雪洞，月殿對天宮。雨鬢鬢，日瞳矇。蠟屐對漁蓬。過天星似箭，吐魄月如弓。驛旅客逢梅子雨，池亭人挹藕花風。茅店村前，皓月墜林雞唱韻；板橋路上，青霜鎖道馬行蹤。

山對海，華對嵩。四岳對三公。宮花對禁柳，塞雁對江龍。清暑殿，廣寒宮。拾翠對題紅。莊周夢化蝶，呂望兆飛熊。北牖當風停夏扇，南簾曝日省冬烘。鶴舞樓頭，玉笛弄殘仙子月；鳳翔臺上，紫簫吹斷美人風。

二 冬

晨對午，夏對冬。下晌對高春。青春對白晝，古柏對蒼松。垂釣客，荷鋤翁。仙鶴對神龍。鳳冠珠閃爍，螭帶玉玲瓏。

瓏。三元及第才千頃，一品當朝祿萬鍾。花萼樓間，仙李盤
根調國脈；沉香亭畔，嬌楊侍寵起邊風。

清對淡，薄對濃。暮鼓對晨鐘。山茶對石菊，煙鎖對雲
封。金菡萏，玉芙蓉。綠綺對青鋒。早湯先宿酒，晚食繼朝
饗。唐庫金錢能化蝶，延津寶劍會成龍。巫峽浪傳，雲雨荒
唐神女廟；岱宗遙望，兒孫羅列丈人峰。

繁對簡，疊對重。意懶對心慵。仙翁對釋伴，道範對儒
宗。花灼灼，草茸茸。浪蝶對狂蜂。數竿君子竹，五樹大夫
松。高皇滅項憑三傑，虞帝承堯殛四凶。內苑佳人，滿地風
花愁不盡；邊關過客，連天煙草憾無窮。

三 江

奇對偶，隻對雙。大海對長江。金盤對玉盞，寶燭對銀
缸。朱漆檻，碧紗窗。舞調對歌腔。興劉推馬武，諫夏著龍
逢。四收列國群王伏，三築高城眾敵降。跨鳳登臺，瀟灑仙
姬秦弄玉；斬蛇當道，英雄天子漢劉邦。

顏對貌，像對龐。步輦對徒杠。停針對擱筆，意懶對心
降。燈閃閃，月幢幢。攬轡對飛艫。柳堤馳駿馬，花院吠村

尅。酒暈微醺瓊杏頰，香塵淺印玉蓮雙。詩寫丹楓，韓女幽懷流禦水；淚彈斑竹，舜妃遺憾積湘江。

四 支

泉對石，幹對枝。吹竹對彈絲。山亭對水榭，鸚鵡對鸕鷀。五色筆，十香詞。潑墨對傳卮。神奇韓幹畫，雄渾李陵詩。幾處花街新奪錦，有人香徑淡凝脂。萬裏烽煙，戰士邊頭爭保塞；一犁膏雨，農夫村外盡乘時。

菹對醢，賦對詩。點漆對描脂。瑤簪對珠履，劍客對琴師。沽酒價，買山貲。國色對仙姿。晚霞明似錦，春雨細如絲。柳絆長堤千萬樹，花橫野寺兩三枝。紫蓋黃旗，天象預占江左地；青袍白馬，童謠終應壽陽兒。

箴對贊，缶對卮。螢焰對蠶絲。輕裾對長袖，瑞草對靈芝。流涕策，斷腸詩。喉舌對腰肢。雲中熊虎將，天上鳳麟兒。禹廟千年垂橘柚，堯階三尺覆茅茨。湘竹含煙，腰下輕紗籠玳瑁；海棠經雨，臉邊清淚濕胭脂。

爭對讓，望對思。野葛對山榭。仙風對道骨，天造對人爲。專諸劍，博浪椎。經緯對干支。位尊民物主，德重帝王

師。望切不妨人去遠，心忙無奈馬行遲。金屋閉來，賦乞茂陵題柱筆；玉樓成後，記須昌穀負囊詞。

五 微

賢對聖，是對非。覺奧對參微。魚書對雁字，草舍對柴扉。雞曉唱，雉朝飛。紅瘦對綠肥。舉杯邀月飲，騎馬踏花歸。黃蓋能成赤壁捷，陳平善解白登危。太白書堂，瀑泉垂地三千尺；孔明祠廟，老柏參天四十圍。

戈對甲，幄對幃。蕩蕩對巍巍。嚴灘對邵圃，靖菊對夷薇。占鴻漸，葉鳳飛。虎榜對鸞旗。心中羅錦繡，口內吐珠璣。寬宏豁達高皇量，叱吒啞啞霸王威。滅項興劉，狡兔盡時走狗死；連吳拒魏，貔貅屯處臥龍歸。

衰對盛，密對稀。祭服對朝衣。鷄窗對雁塔，秋榜對春闈。烏衣巷，燕子磯。久別對初歸。天姿真窈窕，聖德實光輝。蟠桃絳闕來金母，嶺荔紅塵進玉妃。霸王軍營，亞父憤心撞玉斗；長安酒市，謫仙狂興典銀龜。

六 魚

羹對飯，柳對榆。短袖對長裾。鷄冠對鳳尾，芍藥對芙蕖。
藻。周有若，漢相如。王屋對匡廬。月明山寺遠，風細水亭虛。
壯士腰間三尺劍，男兒腹內五車書。疏影暗香，和靖孤山梅蕊放；
輕陰清晝，淵明舊宅柳條舒。

吾對汝，爾對餘。選授對升除。書箱對藥櫃，耒耜對耰鋤。
參雖魯，回不愚。閹閹對閹閹。諸侯千乘國，命婦七香車。
穿雲採藥聞仙犬，踏雪尋梅策蹇驢。玉兔金烏，二氣精靈爲日月；
洛龜河馬，五行生剋在圖書。

欵對正，密對疏。囊橐對苞苴。羅浮對壺嶠，水曲對山紆。
驂鶴駕，侍鸞輿。桀溺對長沮。搏虎卞莊子，當熊馮婕妤。
南陽高士吟《梁父》，西蜀才人賦《子虛》。三徑風光，白石黃花供杖履；
五湖煙景，青山綠水在樵漁。

七 虞

紅對白，有對無。布穀對提壺。毛椎對羽扇，天闕對皇都。
謝蝴蝶，鄭鷓鴣。蹈海對歸湖。花肥春雨潤，竹瘦晚風疏。
麥飯豆糜終創漢，莼羹鱸膾竟歸吳。琴調輕彈，楊柳月中潛去聽；
酒旗斜掛，杏花村裏共來沽。

羅對綺，茗對蔬。柏秀對松枯。中元對上巳，返璧對還珠。雲夢澤，洞庭湖。玉燭對冰壺。蒼頭犀角帶，綠鬢象牙梳。松陰白鶴聲相應，鏡青鸞影不孤。竹戶半開，對牖未知人在否？柴關深閉，停車還有客來無。

賓對主，婢對奴。寶鴨對金鳧。升堂對入室，鼓瑟對投壺。覘合璧，頌聯珠。提饗對當壚。仰高紅日近，望遠白雲孤。歆向秘書窺二酉，機雲芳譽動三吳。祖餞三杯，老去常斟花下酒；荒田五畝，歸來獨荷月中鋤。

君對父，魏對吳。北嶽對西湖。茶蔬對茶淡，苜蓿對菖蒲。梅花數，竹葉符。廷議對山呼。《兩都》班固賦，《八陣》孔明圖。田慶紫荊堂下茂，王裒青柏墓前枯。出塞中郎，羝有乳時歸漢室；質秦太子，馬生角日返燕都。

八 齊

鸞對鳳，犬對雞。塞北對關西。長生對益智，老幼對旅倪。頌竹策，剪桐圭。剝棗對蒸梨。綿腰如弱柳，嫩手似柔荑。狡龜能穿三穴隱，鷓鴣權借一枝棲。角裏先生，策杖垂紳扶少主；于陵仲子，辟纊織履賴賢妻。

鳴對吠，泛對棲。燕語對鶯啼。珊瑚對瑪瑙，琥珀對玻璃。
絳縣老，伯州梨。測蠡對然犀。榆槐堪作蔭，桃李自成蹊。
投巫救女西門豹，賃浣逢到百里奚。闕裏門牆，陋巷規模原不陋；
隋堤基址，迷樓蹤跡亦全迷。

越對趙，楚對齊。柳岸對桃溪。紗窗對繡戶，畫閣對香閨。
修月斧，上天梯。蟬竦對虹霓。行樂遊春圃，工諛病夏畦。
李廣不封空射虎，魏明得立爲存甓。按轡徐行，細柳功成勞王敬；
聞聲稍臥，臨涇名震止兒啼。

九 佳

門對戶，陌對街。枝葉對根荂。鬥雞對揮麈，鳳髻對鸞釵。
登楚岫，渡秦淮。子規對夫差。石鼎龍頭縮，銀箏雁翅排。
百年詩禮延餘慶，萬里風雲入壯懷。能辨明倫，死矣野哉悲季路；
不由徑襪，生乎愚也有高柴。

冠對履，襪對鞋。海角對天涯。雞人對虎旅，六市對三街。
陳俎豆，戲堆埋。皎皎對皚皚。賢相聚東閣，良明集小齋。
夢裏山川書越絕，枕邊風月記齊諧。三徑蕭疏，彭澤高鳳怡五柳；
六朝華貴，琅琊佳氣種三槐。

勤對儉，巧對乖。水榭對山齋。冰桃對雪藕，漏箭對更牌。寒翠袖，貴金釵。慷慨對詼諧。竹徑風聲籟，花溪月影篩。攜囊佳句隨時貯，荷鍤沉酣到處埋。江海孤蹤，雲浪風濤驚旅夢；鄉關萬里，煙巒雲樹切歸懷。

杞對梓，檜對楷。水泊對山崖。舞裙對歌袖，玉陛對瑤階。風入袂，月盈懷。虎兇對狼豺。馬融堂上帳，羊侃水中齋。北面鬻宮宜拾芥，東巡岱時定燔柴。錦纜春江，橫笛洞簫通碧落；華燈夜月，遺簪墮翠遍香街。

十 灰

春對夏，喜對哀。大手對長才。風清對月朗，地闊對天開。游閬苑，醉蓬萊。七政對三台。青龍壺老杖，白燕玉人釵。香風十裏望仙閣，明月一天思子台。玉潔冰桃，王母幾因求道降；連舟藜杖，真人原爲讀書來。

朝對暮，去對來。庶矣對康哉。馬肝對雞肋，杏眼對桃腮。佳興適，好懷開。朔雪對春雷。雲移鳩鵲觀，日曬鳳凰台。河邊淑氣迎芳草，林下輕風待落梅。柳媚花明，燕語鶯聲渾是笑；松號柏舞，猿啼鶴唳總成哀。

忠對信，博對賅。忖度對疑猜。香消對燭暗，鵲喜對蛩
哀。金花報，玉鏡台。倒屣對銜懷。岩巔橫老樹，石磴覆蒼
苔。雪滿山中高士臥，月明林下美人來。綠柳沿堤，皆因蘇
子來時種；碧桃滿觀，盡是劉郎去後栽。

十一 真

蓮對菊，鳳對麟。濁富對清貧。漁莊對佛舍，松蓋對花
茵。蘿月叟，葛天民。國寶對家珍。草迎金埒馬，花醉玉樓
人。巢燕三春嘗喚友，塞鴻八月始來賓。古往今來，誰見泰
山曾作礪；天長地久，人傳滄海幾揚塵。

兄對弟，吏對民。父子對君臣。勾丁對甫甲，赴卯對同
寅。折桂客，簪花人。四皓對三仁。王喬雲外鳥，郭泰雨中
巾。人交好友求三益，士有賢妻備五倫。文教南宣，武帝平
蠻開百越；義旗西指，韓侯扶漢卷三秦。

申對午，侃對閭。阿魏對茵陳。楚蘭對湘芷，碧柳對青
筠。花馥馥，葉蓁蓁。粉頸對朱唇。曹公好似鬼，堯帝智如
神。南阮才郎差北富，東鄰醜女效西顰。色艷北堂，草號忘
憂憂甚事？香濃南國，花名含笑笑何人？

十二文

憂對喜，戚對欣。五典對三墳。佛經對仙語，夏耨對春耘。烹早韭，剪春芹。暮雨對朝雲。竹間斜白接，花下醉紅裙。掌握靈符五嶽篆，腰懸寶劍七星紋。金鎖未開，上相趨聽宮漏水；珠簾半卷，翻僚仰對禦爐薰。

詞對賦，懶對勤。類聚對群分。鸞簫對鳳笛，帶草對香芸。燕許筆，韓柳文。舊話對新聞。赫赫周南仲，翩翩晉右軍。六國說成蘇子貴，兩京收復郭公勛。漢闕陳書，侃侃忠言推賈誼；唐廷對策，岩岩直諫有劉蕡。

言對笑，績對勛。鹿豕對羊羶。星冠對月扇，把袂對書裾。湯事葛，說興殷。蘿月對松雲。西池青鳥使，北塞黑鴉軍。文武成康爲一代，魏吳蜀漢定三分。桂苑秋宵，明月三杯邀曲客；松亭夏日，薰風一曲奏桐君。

十三元

卑對長，季對昆。永巷對長門。山亭對水閣，旅舍對軍屯。楊子渡，謝公墩。德重對年尊。承乾對出震，疊坎對重坤。志士報君思犬馬，仁王養老察雞豚。遠水平沙，有客泛舟桃葉渡；斜風細雨，何人攜榼杏花村。

君對相，祖對孫。夕照對朝暉。蘭台對桂殿，海島對山村。碑墮淚，賦招魂。報怨對懷恩。陵埋金吐氣，田種玉生根。相府珠簾垂白晝，邊城畫角對黃昏。楓葉半山，秋去煙霞堪倚杖；梨花滿地，夜來風雨不開門。

十四 寒

家對國，治對安。地主對天官。坎男對離女，周誥對殷盤。三三暖，九九寒。杜撰對包彈。古壁蛩聲匝，閑亭鶴影單。燕出簾邊春寂寂，鶯聞枕上漏珊珊。池柳煙飄，日夕郎歸青鎖闥；階花雨過，月明人倚玉欄杆。

肥對瘦，窄對寬。黃犬對青鸞。指環對腰帶，洗鉢對投竿。誅倭劍，進賢冠。畫棟對雕欄。雙垂白玉箸，九轉紫金丹。陝右棠高懷召伯，河南花滿憶潘安。陌上芳春，弱柳當風披彩線；池中清曉，碧荷承露捧珠盤。

行對臥，聽對看。鹿洞對魚灘。蛟騰對豹變，虎踞對龍蟠。風凜凜，雪漫漫。手辣對心酸。鶯鶯對燕燕，小小對端端。藍水遠從千澗落，玉山高並兩峰寒。至聖不凡，嬉戲六齡陳俎豆；老萊大孝，承歡七袞舞斑。

十五 刪

林對塢，嶺對巒。晝永對春閑。謀深對望重，任大對投
艱。裾裊裊，佩珊珊。守塞對當關。密雲千里合，新月一鉤
彎。叔寶君臣皆縱逸，重華父母是囂頑。名動帝畿，西蜀三
蘇來日下；壯遊京洛，東吳二陸起雲間。

臨對仿，吝對慳。討逆對平蠻。忠肝對義膽，霧鬢對雲
鬢。埋筆塚，爛柯山。月貌對天顏。龍潛終得躍，鳥倦亦知
還。隴樹飛來鸚鵡綠，池筠密處鷓鴣斑。秋露橫江，蘇子月
明遊赤壁；凍雲迷嶺，韓公雪擁過藍關。